

ԱԳՐԱԿԱՆ ԼՐԱՏՈՒԼ

ՄԱՅԻՍ 5 - 16 2016 Թ. ԹԻՎ 11 (2099) ՏԱՍԵՐՅԱ ԹԵՐԹ ՀՐԱՏԱՐԱԿՎՈՒՄ Է 1951 Թ. ԳԻՆԸ՝ 120 ԴՐԱՍ

ԱՇԽԱՏԱՆՔԱՅԻՆ ԱՅՅ



Նոր տեխնիկան՝ բարձրորակ աշխատանքի երաշխիք

ՀՀ գյուղատնտեսության նախարար Սերգո Կարապետյանն այցելել է Արարատի մարզի Դարակերտ համայնքում գործող ՀՀ ԳՆ «Բանջարաբուստանային և տեխնիկական մշակաբույսերի գիտական կենտրոն» ՊՈԱԿ՝ կենտրոնի ընթացիկ աշխատանքներին ծանոթանալու նպատակով:

«Բանջարաբուստանային մշակաբույսերի տեղական սորտերի մշակության ուղղությամբ տարվող աշխատանքները տարեցտարի ավելի արդյունավետ են ընթանում, ինչի շնորհիվ սերմնաբուծության ոլորտում տարեկան հաջողվում է ապահովել 20-30 տոկոս աճ, ընդ որում, այստեղ մշակվում են բանջարաբուստանային մշակաբույսերի ոչ միայն ավանդական, այլև՝ նոր սորտեր: Ներկայումս կենտրոնը վերակառուցման փուլում է. այժմ կառուցվում է ժամանակակից ջերմոցային տնտեսություն, որտեղ ոռոգումն իրականացվելու է կաթիլային համակարգի միջոցով, իսկ սերմարտադրության ողջ գործընթացը մեքենայացվում է: Կենտրոնը հազեցած է ժամանակակից սարքավորումներով, ինչը թույլ է տալիս բարձրացնել ոչ միայն արտադրողականությունը, այլև ապահովել սերմերի և մշակաբույսերի բարձր որակը», - նշել է Սերգո Կարապետյանը:

Նախարարը նաև հավելել է, որ ջերմոցների կառուցումից հետո, ներդրված նորագույն տեխնոլոգիաների շնորհիվ, հնարավոր կդառնա բավարարել գյուղացիական տնտեսությունների տեղական սորտերի պահանջարկի մոտ 60 տոկոսը: «Գյուղատնտեսական ծրագրերի իրականացման գրասենյակ» ՊՀ տնօրեն Գագիկ Խաչատրյանն իր հերթին նշել է, որ մինչ այժմ կենտրոնը հնարավորություն ուներ ապահովել տեղական սերմերի և սածիլների պահանջարկի ընդամենը 15 տոկոսը, և կենտրոնի վերազինումը խիստ արդիական է:

Կենտրոնի տնօրեն Գայանե Սարգսյանի խոսքով՝ տեխնիկական հզորացումը թույլ կտա ոչ միայն ավելացնել սերմարտադրության և սածիլի արտադրության ծավալները, այլև կստեղծվեն բարենպաստ պայմաններ՝ մշակաբույսերի նոր, ինտենսիվ սորտերի ստեղծման համար: Նա նաև հավելել է, որ Կենտրոնում աշխատում է 33 գիտնական, որոնց աշխատանքի շնորհիվ վերջին տարիներին շրջանացվել են 18 մշակաբույսերի՝ 35 նոր սորտեր:

Կենտրոնը, համայնքների զարգացման ծրագրերի շրջանակներում, համագործակցում է «Հայաստան» համահայկական հիմնադրամի, ՄԱԶԾ-ի Հայաստանյան գրասենյակի, «Օբսֆամ» հայաստանյան մասնաճյուղի և «Հյուսիս գիտնական» կազմակերպության հետ՝ տրամադրելով բանջարաբուստանային մշակաբույսերի սածիլներ, ապահովելով դրանց փոխադրումը նաև մատուցելով խորհրդատվական ծառայություններ:

ՄԱԿ-ի պարենի և գյուղատնտեսության կազմակերպության «Աջակցություն Հայաստանում»

2

ՀԱՆԴԻՊՈՒՄ

ՀՀ օրենքի նախագծի քննարկում

ՀՀ գյուղատնտեսության նախարար Սերգո Կարապետյանը հրավիրել էր հանդիպում՝ ՀՀ կառավարության աշխատակազմի «Օրենսդրության կարգավորման ազգային կենտրոն» ԾԻԳ ՊՀ-ի կողմից ներկայացված «ՀՀ անտառային օրենսգրքում փոփոխություններ և լրացումներ կատարելու մասին» ՀՀ օրենքի նախագծի քննարկման նպատակով:

Քննարկմանը ներկա էին Կենտրոնի տնօրեն Արմեն Եղիազարյանը, «Հայաստան» ՊՈԱԿ-ի տնօրեն Մարտին Մաթևոսյանը, հասարակական կազմակերպությունների ներկայացուցիչներ, ոլորտի այլ պատասխանատուներ: Մինչ այս հանդիպումը, օրենքի նախագիծը քննարկվել էր Դիլիջանում անցկացված աշխատանքային քննարկման ժամանակ:

Հանդիպման ընթացքում մասնակիցներն արտահայտեցին իրենց կարծիքներն ու տեսակետները օրենքի նախագծի վերաբերյալ: Նախարար Սերգո Կարապետյանը ծանոթացավ ներկայացրած առաջարկություններին և բարձրացված հարցերին: Որոշվեց շարունակել քննարկումները մասնագետների և հասարակական կազմակերպությունների ներկայացուցիչների հետ և արդյունքները ներկայացնել ՀՀ վարչապետին՝ խնդրին իրավական ճիշտ լուծում տալու նպատակով:

ՊԱՇՏՈՆԱԿԱՆ

Վարչապետ Հովիկ Աբրահամյանը վերջերս աշխատանքային այց է կատարել Լոռու և Տավուշի մարզեր:

Կառավարության ղեկավարի առաջին կանգառը եղել է Դեբեդ համայնքում, որտեղ Հովիկ Աբրահամյանը ծանոթացել է SMART կենտրոնի կառուցման շինաշխատանքների ընթացքին: Տեղեկացվել է, որ «Հայաստանի մանուկներ» հիմնադրամի ֆինանսավորմամբ, ՏՏ կենտրոնի կառուցման նպատակով, ներդրվելու է ավելի քան 3 մլն դոլար: Կենտրոնն ուղղված է լինելու մարզում ինովացիոն ենթակառուցվածքների զարգացմանը, նորագույն տեխնոլոգիաների մշակմանը, որոնք կներդրվեն արդյունաբերության տարբեր ճյուղերում:

Կառավարության ղեկավարն այնուհետև ուղևորվել է Թումանյան համայնք: Տեղի ունեցած խորհրդակցության ընթացքում, կառավարության ղեկավարը ծանոթացել է համայնքների խոշորացման ծրագրի արդյունքներին: Մասնավորապես՝ զեկուցվել է, որ Թումանյանի քաղաքապետարանում արդեն իսկ իրականացվել են անհրաժեշտ տեխնիկական աշխատանքներ՝ համայնքին միացած մյուս համայնքների բնակչությանը լավագույնս սպասարկելու նպատակով: Թումանյանի ավագանիում ընդգրկված են քաղաքի բոլոր շրջանները ներկայացնող անդամներ. համատեղ ուժերով աշխատանքներ են տարվում համայնքում առկա խնդիրներին լուծումներ գտնելու համար:

Այնուհետև վարչապետն այցելել է Թեղուտի պղինձ-մոլիբդենային հանքավայր՝ եղել արտադրամասերում, ծանոթացել այն շահագործող «Վալլեքս» խմբի կողմից իրականացված ներդրումային ծրագրերի արդյունքներին: Կառավարության ղեկավարին տեղեկացվել է, որ հանքավայրի շահագործման առաջին փուլի մեկնարկն ապահովելու համար իրականացվել է ավելի քան 350 մլն դոլարի ներդրում: 2014 թ. ղեկնումբերից 2016-ի ապրիլն ընկած ժամանակահատվածում ընկերությունն արդյունահանել և վերամշակել է շուրջ 8,8 մլն տոննա հանքաքար, արտադրել է 141 հազար տոննա պղնձի խտանյութ՝ պղնձի 27,89 տոկոս պարունակությամբ: Ներկայումս ընկերությունն ունի շուրջ 1200 աշխատող՝ հիմնականում հարակից Թեղուտ, Շնող և Լոռու մարզի այլ համայնքներից: Վարչապետը նշել է, որ այս տարվա առաջին եռամսյակում ընկերությունն արձանագրել է արտադրության 57 տոկոսի աճ: Հովիկ Աբրահամյանը հույս է հայտնել, որ աճը կարտացոլվի ողջ տարվա ընթացքում: Այս տարի արդեն իսկ ընկերությունը սովորել է 16 մլրդ դրամի արտադրություն: Խոսելով խոշորացված Թումանյան համայնքի մասին՝ վարչապետն ընդգծել է, որ կառավարությունը մոտ 300 մլն դրամի աջակցություն է նախատեսել՝ համայնքում առկա խնդիրները լուծելու նպատակով: «Խորհրդակցության ընթացքում բարձրացվեց համայնքի դպրոցի վերանորոգման խնդիրը և մենք այն կներառենք 2017 թվականի պետական բյուջեի ծրագրերի թվում: Կվերացվեն նաև Թումանյանի մանկապարտեզում հրդեհի պատճառով առաջացած խնդիրները, ըստ անհրաժեշտության մանկապարտեզում կիրականացվեն շինարարական այլ աշխատանքներ: Այս համայնքում պատրաստվում ենք կյանքի կոչել լուրջ ծրագրեր, քանի որ այն զբոսաշրջության առումով, գայթակղիչ տարածք է: Մասնավորապես, հանձնարարվել է մարզպետին՝ մշակել զբոսաշրջության զարգացման ծրագրեր և ներկայացնել կառավարություն: Մենք նաև տարածքային համաչափ զարգացման նպատակով, իրականացնելու ենք ենթակառուցվածքների զարգացման ծրագրեր», - նշել է Հովիկ Աբրահամյանը:

Թեղուտից վարչապետ Աբրահամյանն ուղևորվել է «Բագրատաշեն» սահմանային անցակետ: Կառավարության ղեկավարը շրջայց է կատարել սահմանային անցման կետում՝ ծանոթացել կատարվող շինաշխատանքների ընթացքին: Նոր անցակետում տեղադրված կլինեն ժամանակակից գննող-հսկող սարքավորումներ: Հովիկ Աբրահամյանը կարևորել է քաղաքացիների, այդ թվում տնտեսվարող սուբյեկտների համար սահմանի հատման արդի պայմանների ստեղծումը, կուտակումների վերացումն ու բարձրորակ ծառայությունների մատուցումը:

2

Կոոպերացիա	Էջ 5
Համայնքային	Էջ 6
Մասնագետի խորհուրդը	Էջ 7

ՊԱՇՏՈՆԱԿԱՆ

1
Վարչապետի հաջորդ կանգառը եղել է Լոյտմբերյանում, որտեղ նա հանդիպել է համայնքի բնակիչներին, պատասխանել նրանց հուզող հարցերին, ծանոթացել առկա խնդիրներին: Գործադիրի ղեկավարն ընդգծել է, որ սահմանամերձ համայնքները եղել և շարունակելու են մնալ կառավարության ուշադրության կենտրոնում: Վարչապետի խոսքով՝ պետությունն իրականացնելու է ինչպես սոցիալական խնդիրների լուծմանը, այնպես էլ՝ ենթակառուցվածքների զարգացմանն ուղղված ծրագրեր: Լոյտմբերյանցիները բարձրացրել են Լոյտմբերյանը սահմանամերձ համայնքների ցանկում ընդգրկելու հարցը, ինչը նրանց հնարավորություն կտա օգտվել կառավարության սահմանած մի շարք արտոնություններից: Հովիկ Աբրահամյանը խոստացել է սեղմ ժամկետում հարցը քննարկել կառավարությունում: Վարչապետն այցելել է նաև Ոսկևան, Չորական և Կոթի համայնքներ, հանդիպել տեղի բնակիչներին, լսել նրանց խնդիրները, որոնք վերաբերել են ճանապարհների, ուսումնական հաստատությունների վերանորոգմանը, գազատարի ներքին ցանցի կառուցմանը և այլն: Վարչապետը հանձնարարել է համապատասխան գերատեսչությունների ղեկավարներին՝ քննարկել բարձրացված հարցերը և կառավարությունը ներկայացնել դրանց լուծմանն ուղղված առաջարկություններ:

ԱՃՆԱՏԱՆՔԱՅԻՆ ԱՅՅ

Նոր տեխնիկան՝ բարձրորակ աշխատանքի երաշխիք

1
բանջարային մշակաբույսերի սերմնաբուծության և սերմարտադրության համակարգի զարգացման» ծրագրի շրջանակներում, Կենտրոնին 2015 թ.-ին տրամադրվել են սերմարտադրության հոսքային գծեր (սերմհանող, սերմաքրող, սերմչորացնող, սերմտեսակավորող, սերմախտահանող, սերմփայլեցնող, և սերմփաթեթավորող), որոնց մի մասը ժամանակավոր տեղադրված են և շահագործվում են, մյուսները կտեղադրվեն շինարարական աշխատանքների ավարտից հետո:

Գիտական կենտրոնում CARMAC-2 ծրագրի՝ «Գյուղատնտեսական կառուցվածքների հզորացում» բաղադրիչի շրջանակներում, 2015թ. Լոյտմբերից սածիլների արտադրության հնարավորությունների հզորացման նպատակով, կատարվում են 0,6 հա ջերմատան և կից շինության վերանորոգման աշխատանքներ: Ներկայումս մասնակի վերանորոգվել են 0,3 հա ջերմատունը, կից շինությունը, կաթսայատունը և ջեռուցման համակարգը: Աշխատանքները շարունակվում են և կավարտվեն 2016թ. վերջին: Վերը նշված ծրագրի շրջանակներում, սածիլների աճեցման համար, Կենտրոնին տրամադրվել է նաև սերմնացան հոսքային գիծ, որը կտեղադրվի և կշահագործվի ջերմատան վերանորոգումից հետո:

Համակողմանի աջակցություն

ՀՀ կառավարության պատվիրակության կազմում աշխատանքային այցով Արցախում գտնվող ՀՀ գյուղատնտեսության նախարար Սերգո Կարապետյանը, մայիսի 8-ին առաջնագիծ այցից հետո, հանդիպում է ունեցել ԼՂՀ ԳՆ ղեկավարության հետ: Տեղի ունեցած քննարկումների ընթացքում շոշափվել են համագործակցության և երկկողմ կապերի սերտացմանն ուղղված հարցեր:

Հանդիպման ընթացքում ԼՂՀ գործընկերները կարևորել են այն հանգամանքը, որ ապրիլյան քառօրյա պատերազմի ընթացքում, ՀՀ գյուղատնտեսության նախարարությունը մշտական կապի մեջ է եղել Արցախի իր գործընկերների հետ՝ ձգտելով գտնել առաջացած խնդիրների արդյունավետ լուծումները: «Մենք ձեր կողքին ենք լինելու միշտ և շարունակելու ենք համակողմանի աջակցություն ցուցաբերել», - նշել է Սերգո Կարապետյանը՝ հավելելով, որ Արցախի իրենց գործընկերներին ՀՀ գյուղատնտեսության նախարարության մասնագետները կաջակցեն նաև գյուղըլորտի մասնագետների վերապատրաստմանն ուղղությամբ: ԼՂՀ գյուղատնտեսության նախարար Արամ Միտյանը շնորհակալություն է հայտնել ապրիլյան ռազմական գործողությունների ընթացքում ՀՀ գյուղատնտեսության նախարարության և անձամբ Սերգո Կարապետյանի կողմից ցուցաբերված նյութական օժանդակության համար, որը կուղղվի պատերազմի հարուցած դժվարությունների հաղթահարմանը: Երկու նախարարները գոհունակություն են հայտնել համագործակցության առկա մակարդակից՝ հույս հայտնելով, որ այն հետագայում ավելի կխորանա:



մակողմանի աջակցություն ցուցաբերել», - նշել է Սերգո Կարապետյանը՝ հավելելով, որ Արցախի իրենց գործընկերներին ՀՀ գյուղատնտեսության նախարարության մասնագետները կաջակցեն նաև գյուղըլորտի մասնագետների վերապատրաստմանն ուղղությամբ: ԼՂՀ գյուղատնտեսության նախարար Արամ Միտյանը շնորհակալություն է հայտնել ապրիլյան ռազմական գործողությունների ընթացքում ՀՀ գյուղատնտեսության նախարարության և անձամբ Սերգո Կարապետյանի կողմից ցուցաբերված նյութական օժանդակության համար, որը կուղղվի պատերազմի հարուցած դժվարությունների հաղթահարմանը: Երկու նախարարները գոհունակություն են հայտնել համագործակցության առկա մակարդակից՝ հույս հայտնելով, որ այն հետագայում ավելի կխորանա:

Կառավարության նիստում հավանության է արժանացել «Հայաստանի Հանրապետությունում ջրամատակարարման, ջրահեռացման և կեղտաջրերի մաքրման ծառայություններ մատուցող ընկերությանը բնապահպանական վճարների գծով արտոնություններ սահմանելու մասին» ՀՀ օրենքի նախագիծը:

Ըստ հիմնավորման՝ ներկայումս բնապահպանական վճարների գծով արտոնություններ է սահմանված Երևան քաղաքի և հարակից 30 բնակավայրերի ջրամատակարարման և ջրահեռացման համակարգերի վարձակալ՝ «Երևան Ջուր» ՓԲԸ-ի համար: Միաժամանակ, ՀՀ կառավարության համապատասխան որոշումների համաձայն՝ իրականացվում է հանրապետության 5 ջրամատակարար ընկերությունների սպասարկվող տարածքների ջրամատակարարման և ջրահեռացման համակարգերի միասնական վարձակալի ընտրության գործընթացը, որի գործունեության մեկնարկը սահմանվել է 2017 թ. հունվարի 1-ը:

Օրինագծով նախատեսվում է բնապահպանական վճարների գծով արտոնություններ սահմանել նաև ապագա միասնական վարձակալ ընկերության համար: Արդյուն-



քում՝ ակնկալվում է ջրային տնտեսության ոլորտի հետագա զարգացում, սպառողներին մատուցվող ջրամատակարարման, ջրահեռացման և կեղտաջրերի մաքրման ծառայությունների բարելավում: Օրինագծի ընդունումը թույլ կտա նաև բնապահպանական վճարների մասով չբարձրացնել ծառայությունների սակագները:

www.gov.am

ՔՆՆԱՐԿՈՒՄ

Գարնան գյուղատնտեսական աշխատանքներն ընթացքի մեջ են

Հերթական աշխատանքային այցով վերջերս Տավուշի մարզում էր ՀՀ գյուղատնտեսության փոխնախարար Սամվել Գալստյանը: Տավուշի մարզպետարանում փոխնախարարին ընդունել է մարզպետի տեղակալ Լևոն Սարգսյանը: Հանդիպմանը ներկա է եղել նաև

արժան հետևանքով, մի քանի պոմպակայաններում առաջացած աշխատանքների խափանումը վերացնելու հարցը բարձրացրած հողօգտագործողների ու համայնքների ղեկավարների հետ հանդիպման ժամանակ, Ռուբիկ Աբրահամյանը շեշտել է, որ հարկ եղած դեպքում ջրամատակարարները պետք է աշխատեն շուրջօրյա աշխատանքային գրաֆիկով, որպեսզի հողօգտագործողը չկանգնի ոռոգման խնդրի առջև:



մարզպետարանի աշխատակազմի գյուղատնտեսության և բնապահպանության վարչության պետ Վաղարշակ Սուքոյանը: Քննարկվել է 2016 թվականի գարնան գյուղատնտեսական աշխատանքների ընթացքը, ներկայացվել է առաջիկա անելիքները: Գյուղատնտեսության վարչության պետը, ըստ մշակաբույսերի, ներկայացրել է 2016 թվականի ցանքերի ընթացքը մարզում, ինչպես նաև տեղեկատվություն՝ ՀՀ կառավարության որոշմամբ, գյուղատնտեսության ոլորտին տրամադրվող պետական աջակցության ծրագրերի շրջանակներում, Տավուշի մարզպետարանի կողմից ներկայացված հայտերի հիման վրա, մարզին հատկացված դիզվառնեիքի, ազոտական, ֆոսֆորական, կալիումական պարարտանյութերի, գարնանացան գարու և առվույտի սերմացուի ներկրման ու բաշխման գործընթացի վերաբերյալ: Անդրադարձ է կատարվել նաև գյուղտեխնիկայի նորացման, կոոպերացիայի զարգացման, արտահանման ծավալների ավելացման հարցերին:

www.tavush.mtaes.am

Դեռևս վաղ գարնանը մեկնարկած գյուղատնտեսական աշխատանքները նոր թափ են ստացել ապրիլ ամսին:

Գարնան գյուղատնտեսական աշխատանքներին, մասնավորապես՝ ոռոգման համակարգերի կենսագործման ընթացքին անձամբ հետևելու և առկա խնդիրները տեղում ուսումնասիրելու համար, Արարատի մարզպետ Ռուբիկ Աբրահամյանը վերջերս այցելել է մի շարք համայնքներ:

Էլեկտրաէներգիայի անկանոն մատակարարման հետևանքով, մի քանի պոմպակայաններում առաջացած աշխատանքների խափանումը վերացնելու հարցը բարձրացրած հողօգտագործողների ու համայնքների ղեկավարների հետ հանդիպման ժամանակ, Ռուբիկ Աբրահամյանը շեշտել է, որ հարկ եղած դեպքում ջրամատակարարները պետք է աշխատեն շուրջօրյա աշխատանքային գրաֆիկով, որպեսզի հողօգտագործողը չկանգնի ոռոգման խնդրի առջև:



Նարեկ համայնքում Ռուբիկ Աբրահամյանը հետևել է հեղեղատարի վերանորոգման աշխատանքներին: Մարզպետի առաջարկությամբ և ՀՀ կառավարության կողմից հատկացրած գումարի տրամադրմամբ՝ կատարվում են Նարեկի ու շրջակա համայնքների համար լուրջ վտանգ ներկայացնող հեղեղատարի շինարարական-վերականգնողական աշխատանքներ:

Մարզպետը Նարեկցիների հետ զրուցելիս ասել է, որ հետևողական է լինելու նրանց կողմից բարձրացված հարցերին և հավաստիացրել է, որ Արարատի մարզպետարանն անում է ամեն ինչ, որպեսզի բուռն աշխատանքներով սկսված գյուղատնտեսական տարին շարունակվի նույն տեմպով: Ռուբիկ Աբրահամյանի հանձնարարությամբ, այս շաբաթվա վերջում, մարզպետարանում կկայանա խորհրդակցություն՝ ոռոգման խնդիրների հետ կապված:

www.ararat.mtaes.am

ԲԵՐՔԱՆԱԿԱՐԻՆ ԸՆԴՍՈՒՄ

ՀԱՄԱԳՈՐԾԱԿՑՈՒԹՅՈՒՆ՝ ԴՐԱԿԱՆ ԱՐԴՅՈՒՆՔԻ ՀԱՄԱՐ

«Ապրիլյան դեպքերով պայմանավորված բացթողումները հնարավորինս չափ լրացնելու նպատակով, անհրաժեշտ է առաջիկայում օպերատիվ համալիր աշխատանք իրականացնել՝ գարնանացանի և բանջարաբուստանային մշակաբույսերի մշակությունն ավարտին հասցնելու, հունիսին մեկնարկելիք հացահատիկային մշակաբույսերի բերքահավաքը հնարավորինս անկորուստ իրականացնելու, ինչպես նաև բերքը պատշաճ ձևով մթերելու ուղղություններով»: Այս մասին նշել է Արցախի Հանրապետության վարչապետ Արայիկ Հարությունյանը՝ օրերս գյուղատնտեսության ոլորտի պատասխանատուների մասնակցությամբ հրավիրած խորհրդակցության ժամանակ:

«Այս տարի նախատեսում ենք իրականացնել տարբեր տեսակի գյուղատնտեսական ապրանքների անսահմանափակ քանակի մթերում՝ վերամշակման նպատակով: Արդյունքում կաջակցենք մեր բնակիչներին՝ իրենց վիճակը փոքր-ինչ բարելավելու գործում, ինչպես նաև կլուծենք պարենային անվտանգության հետ կապված որոշ հարցեր»:

ԱՀ գյուղատնտեսության նախարար Արամ Մխոյանը, հակիրճ տեղեկատվություն ներկայացնելով կատարված աշխատանքների վերաբերյալ, նշել է, որ նախատեսված գարնանային ցանքսը, հայտնի պատճառներով, ավարտին չի հասցվել, սակայն աշխատանքները դեռևս ընթացքում են: Նրա խոսքով՝ շարունակվում է նաև սերմերի և թունաքիմիկատների տրամադրման գործընթացը: Գյուղնախարարի տեղեկացմամբ, առաջիկայում կոմբայնների շարքը համալրվելու է ևս 6-ով:

Խորհրդակցության ավարտին կառավարության ղեկավարը գյուղաօրհորտի բոլոր պատասխանատուներին հորդորել է բերքահավաքի աշխատանքներն իրականացնելու համար:



Նացնելիս՝ համագործակցել միմյանց հետ՝ հնարավորինս անկորուստ արդյունքներ գրանցելու համար:

www.panorama.am

ԾՐԱԳԻՐ

Բույսերի գենետիկական ռեսուրսների (ՊԳԲԳՌ) պահպանության, կայուն օգտագործման և բույսերի պաշտպանության ազգային ծրագրերի մշակման անհրաժեշտությունը

Վերջերս Եվրոպական միության կողմից ֆինանսավորվող «Եվրոպական հարևանության գյուղատնտեսության և գյուղի զարգացման» ծրագրի շրջանակում իրականացվող «Տեխնիկական օժանդակություն Հայաստանի Հանրապետության գյուղատնտեսության նախարարությանը» ծրագիրն անցկացրեց կլոր սեղան քննարկումներ՝ «Հայաստանում պարենի և գյուղատնտեսության համար բույսերի գենետիկական ռեսուրսների (ՊԳԲԳՌ) պահպանության և կայուն օգտագործման գնահատականը և ազգային ծրագրի մշակման ընթացքը» և «Բույսերի պաշտպանության ներկա վիճակը Հայաստանի Հանրապետությունում, առկա հիմնախնդիրները և վնասատուների դեմ համակցված պայքարի ազգային ծրագրի մշակման անհրաժեշտությունը» թեմաներով:



Միջոցառումներին մասնակցել են ՀՀ գյուղատնտեսության նախարարության, Գյուղատնտեսության աշակցության մարզային և հանրապետական կենտրոնների, համալսարանների, գիտական կենտրոնների, միջազգային և տեղական կազմակերպությունների, այլ շահագրգիռ կողմերի ներկայացուցիչներ:

Երկօրյա քննարկումների ժամանակ ՀՀ գյուղատնտեսության փոխնախարար Գառնիկ Պետրոսյանը ներկայացրեց պարենի և գյուղատնտեսության համար բույսերի գենետիկական ռեսուրսների (ՊԳԲԳՌ) պահպանության և կայուն օգտագործման, ինչպես նաև բույսերի պաշտպանության ոլորտներում առկա խնդիրները, այդ ոլորտները կարգավորող ազգային ծրագրերի մշակման անհրաժեշտությունը:

Պարենի և գյուղատնտեսության կազմակերպության Տարածաշրջանային գրասենյակի բուսաբուծության և բույսերի պաշտպանության հարցերով պատասխանատու Ավետիք Ներսիսյանը ներկայացրեց նշված ուղղություններով կազմակերպության կողմից իրականացվող աշխատանքները, ինչպես նաև՝ միջազգային փորձը:

Քննարկումների առաջին օրը ծրագրի փորձագետ Ավիլա Ավագյանը ներկայացրեց ԵՀԳԳԶԾ ծրագրի շրջանակում իրականացված «Հայաստանում պարենի և գյուղատնտեսության համար բույսերի գենետիկական ռեսուրսների պահպանության և կայուն օգտագործման ներկա վիճակի վերլուծության» արդյունքները

և բացահայտված կարիքները, որին հետևեց քննարկում՝ ազգային ծրագրի նախնական կառուցվածքի և աշխատանքների իրականացման ժամանակացույցի վերաբերյալ, իսկ հաջորդ օրը Հայաստանի ազգային ագրարային համալսարանի այգեպտղաբուծության և բույսերի պաշտպանության ամբիոնի վարիչ Արմենակ Տեր-Գրիգորյանը ներկայացրեց երկրում բույսերի պաշտպանության բնագավառի իրավիճակի վերլուծությունը և ազգային ծրագրի մշակման անհրաժեշտության մասին գեկույցը:

Քննարկումների արդյունքում մասնակիցները հաստատեցին այս ոլորտները կարգավորող ազգային ծրագրերի մշակման անհրաժեշտությունը և իրենց պատրաստակամությունը հայտնեցին աջակցել ազգային ծրագրերի մշակմանը՝ մասնակցելով համապատասխան աշխատանքային խմբերի աշխատանքներին:

«Եվրոպական հարևանության գյուղատնտեսության և գյուղական շրջանների զարգացում» (ԵՀԳԳԶԾ/ENPARD) ծրագիրը ֆինանսավորվում է Եվրոպական միության կողմից և նպատակ ունի Հայաստանում աջակցել գյուղատնտեսության կայուն զարգացմանը: ՄԱԿ-ի Պարենի և գյուղատնտեսության կազմակերպության կողմից իրականացվող «Տեխնիկական օժանդակություն Հայաստանի Հանրապետության գյուղատնտեսության նախարարությանը» բաղադրիչի նպատակն է՝ «Գյուղատնտեսության կայուն զարգացման ռազմավարության» մշակման գործընթացին աջակցելու միջոցով խթանել պարենային արտադրության կայուն աճը, գյուղատնտեսության, ինչպես նաև գյուղական բնակավայրերի զարգացումը:

Եղանակի կանխատեսում՝ մայիս ամսվա համար

Մայիսին բնորոշ է մթնոլորտային գործընթացների զգալի ակտիվացումը և օդային զանգվածների հաճախակի փոխադեղումը: Տաք և ցուրտ օդային զանգվածների հերթափոխը, ինչպես նաև երկրի մակերևույթի անհավասարաչափ տաքացումը, բարձր լեռնային շրջաններում ձյան հալոցքը բերում է հզոր կոնվեկտիվ հոսանքների առաջացման՝ հաճախ են դիտվում հորդառապ բնույթի տեղումներ, որոնք ուղեկցվում են ամպրոպներով: Այս մասին տեղեկացնում է ՀՀ ԱՌ նախարարության մամուլի ծառայությունը:

Միջին օրական ջերմաստիճանը համեմատաբար ցածր է, առաջին տասնօրյակում՝ 8.2 °C, այնուհետև աստիճանաբար բարձրանում է երրորդ տասնօրյակում՝ հասնելով 10.9 °C: Միջին ամսական ջերմաստիճանը առավել բարձր է Արարատի և Արմավիրի մարզերում, Վայոց ձորի և Սյունիքի հովիտներում, Արագածոտնի նախալեռներում՝ +17...+18 °C: Գեղարքունիքում, Արագածոտնի լեռնային շրջաններում և Շիրակում՝ +8...+10 °C, բարձր լեռնային շրջաններում (3000 մետրից բարձր) այն դեռևս բացասական է՝ -0.5 °C, այստեղ դեռ ձյան տեսքով տեղումների հավանականությունը պահպանվում է:

Արարատյան դաշտում և Սյունիքի հովիտներում միջին ջերմաստիճանի կայուն անցումը 15 °C բարձր է, որը համարվում է ամռան սկիզբ: Չնայած բարձր ջերմաստիճանային ֆոնին՝ լեռնային շրջաններում ողջ ամսվա ընթացքում պահպանվում է ցրտահարության վտանգը, ընտ որում երբեմն զգալի ինտենսիվությամբ, որը կարող է բացասական ազդեցություն ունենալ գյուղատնտեսական կուլտուրաների վրա: Բացարձակ նվազագույն ջերմաստիճանը լեռնային շրջաններում կարող է նվազել մինչև -8...-10 °C: Արարատյան դաշտում, Տավուշի մարզում, Սյունիքի հովիտներում ամսվա առաջին տասնօրյակում մինչև -10 °C, իսկ առավելագույն ջերմաստիճանը կարող է հասնել +35...+38 °C (Արմավիր, Մեղրի): Ամպամած օրերի թիվը գերակշռում է: Տեղումների առավելագույն քանակը դիտվում է մայիսին և միջինը կազմում է 92 մմ, տեղումներով օրերի թիվը՝ միջինը 17-20 օր: Ամենից շատ տեղումներ դիտվում են Լոռիում 120-130 մմ, ամենաքիչը՝ Արարատի, Արմավիրի մարզերում՝ 40-50 մմ: Հարաբերական խոնավությունը հանրապետությունում միջինը կազմում է 68 %: Մեծանում է կարկուտի հավանականությունը՝ միջինը ամիսը 1-3 օր, Տաշիրում՝ 8 օր: Հանրապետությունում քամու արագությունը որոշակիորեն մեծանում է: Ամսական տեղումների քանակը ենթադրվում է բազմամյա միջին քանակին մոտ (նորման 35-50 մմ):

Շիրակի, Կոտայքի և Գեղարքունիքի մարզեր, Արագածոտնի մարզի լեռնային շրջաններում օդի ամսական միջին ջերմաստիճանը սպասվում է 9...12 °C, որը որը մոտ է բազմամյա միջին արժեքին: Լոռու մարզում օդի ամսական միջին ջերմաստիճանը սպասվում է 12...12 °C, որը մոտ է բազմամյա միջին արժեքին: Ամսական տեղումների քանակը ենթադրվում է բազմամյա միջին քանակին մոտ (նորման՝ 95-130 մմ): Տավուշում օդի ամսական միջին ջերմաստիճանը սպասվում է 13...16 °C, որը մոտ է բազմամյա միջին արժեքին: Վայոց ձորի մարզում օդի ամսական միջին ջերմաստիճանը սպասվում է հովտային շրջաններում 18...19 °C, լեռնային շրջաններում՝ 10...12 °C, որը մոտ է բազմամյա միջին արժեքին: Սյունիքի մարզում օդի ամսական միջին ջերմաստիճանը սպասվում է հովտային շրջաններում 17...20 °C, լեռնային շրջաններում՝ 11...12 °C: Ամսական տեղումների քանակը ենթադրվում է բազմամյա միջին քանակին մոտ:

Երևան քաղաքում օդի ամսական միջին ջերմաստիճանը սպասվում է 18...19 °C, որը մոտ է բազմամյա միջին արժեքին: Ամսական տեղումների քանակը ենթադրվում է բազմամյա միջին քանակին մոտ (նորման 45-60 մմ):

www.barometer.am

ՄՈՆԻՏՈՐԻՆԳ

**ԶԲԱՂՎԱԾՈՒԹՅԱՆ ԾՐԱԳՐԻ
ՇՐՋԱՆԱԿՆԵՐՈՒՄ**

Այս տարվա ապրիլ ամսից Շիրակի մարզում մեկնարկել են սեզոնային զբաղվածության խթանման միջոցով գյուղացիական տնտեսության աջակցության տրամադրման պետական ծրագրի աշխատանքները:

Ծրագիրն իրականացվում է ՀՀ աշխատանքի և սոցիալական հարցերի նախարարության զբաղվածության պետական գործակալության Շիրակի մարզի տարածքային կենտրոնների կողմից, որում որպես գյուղատնտեսական աշխատանքների խորհրդատուներ՝ ներգրավված են Շիրակի ԳԱՄԿ-ի մասնագետներն ու խորհրդատուները, ովքեր մասնակցում են հողօգտագործողի գործարար ծրագրի, գյուղատնտեսական աշխատանքների պլան-ժամանակացույցների կազմման, փաստացի վճարման հիմք հանդիսացող պլան-ժամանակացույցով նախատեսված աշխատանքների կատարողականների եզրակացության տրամադրման աշխատանքներին:



Ծրագրի նպատակն է՝ սեզոնային զբաղվածության ապահովման միջոցով առավել խոցելի և աղքատ գյուղական բնակավայրերի բնակչության սոցիալական լարվածության մեղմումը, գյուղացիական տնտեսությունների աշխատանքի արտադրողականության բարձրացումը, կայուն զբաղվածության համար պայմանների ստեղծումը, ինչպես նաև իրավիճակից բխող մարտահրավերներին արագ արձագանքող միջոցներով, գյուղացիական տնտեսություններին աջակցելը:

Ծրագրի շահառուներն են՝ զբաղվածության տարածքային կենտրոններում հաշվառված գյուղատնտեսական հողի սեփականատեր կամ վարձակալ հանդիսացող աշխատաշուկայում անմրցունակ ճանաչված ընտանիքների անապահովության գնահատման համակարգում ընդգրկված հողօգտագործողները, ինչպես նաև ընտանիքում երկու և ավելի անչափահաս երեխա, հաշմանդամ ունեցող ընտանիքները:

Ծրագրում ընդգրկված հողօգտագործողին մեկ աշխատանքային օրվա համար վճարվում է 4000 դրամ՝ ներառյալ եկամտային հարկը, գործատուի մոտ աշխատանքի ընդգրկվող ընտանիքի անդամի համար 4000 դրամ՝ ներառյալ եկամտային հարկը, վարձու աշխատողի համար՝ 3000 դրամ՝ ներառյալ եկամտային հարկը, քաղաքացիա-իրավական պայմանագրով հողօգտագործողին ծառայություն մատուցող անձին՝ կատարված աշխատանքների դիմաց վճարելու համար, մեկ տրակտոր՝ 1 ժամի դիմաց 5000 դրամ: Մեկ ծրագրի արժեքը չի կարող գերազանցել 350000 դրամը, իսկ առավելագույն տևողությունը 180 օր է:

Աշխատանքները մեկնարկել են մարզի բոլոր հինգ տարածաշրջաններում: Մասնավորապես՝ Արթիկի տարածաշրջանի Մեծ Մանթաշ համայնքում արդեն իրականացվել են շահառուներ՝ Հակոբ Հաջիբաբյանի, Գառնիկ Չախոյանի, Վարդուհի Թիկնիզյանի, Մամիկոն Եղոյանի գազարի ցանքատարածությունների քարհավաքի, ցանքի աշխատանքների գնահատման մոնիթորինգները: Վերջիններիս հիման վրա Արթիկի ՋՏԿ-ին տրամադրվել են այս տարվա առաջին եզրակացությունները: Մոնիթորինգներ են անցկացվել նաև Լեռնակերտ, Նահապետավան գյուղերում:

Շիրակի ԳԱՄԿ

ԿՐԹԱԿԱՆ

**ԿԱՐԵՎՈՐ ՁԵՌՔԲԵՐՈՒՄԸ ՄԻՋԱԶԳԱՅԻՆ
ՀԱՎԱՏԱՐՄԱԳՐՄԱՆ ԳՈՐԾԸՆԹԱՑՈՒՄ**

Հայաստանի ազգային ագրարային համալսարանը 1999 թվականից Գերմանիայի Դաշնության Վայհենշտրեֆան-Թրիստրֆի կիրառական գիտությունների համալսարանի հետ նախ միջհամալսարանական, այնուհետև միջպետական (2002 թ.) համագործակցության պայմանագրերի շրջանակներում, իրականացնում է համարյա մագիստրոսական կրթական ծրագիր՝ «Ագրարային մենեջմենթ» («Ագրարային էկոնոմիկա և կառավարում») մասնագիտության գծով:

Ծրագրի շրջանակներում, յուրաքանչյուր տարի, համալսարանի շուրջ 10 մագիստրանտ մեկ կիսամյակ արտադրական փորձաշրջան են անցնում Գերմանիայի Դաշնության Բավարական մարզի ագրոպարենային համակարգի ամենատարբեր ընկերություններում ու ֆերմերային տնտեսություններում: Նրանց գրեթե կեսը, մրցութային կարգով, ընտրվում և ուսումը շարունակում են գործընկեր համալսարանում, մյուսները վերադառնում են Երևան՝ ուսումը շարունակելու տեղում:

Դեռևս 2013 թ. Վայհենշտեֆան-Թրիստրֆի համալսարանի նշված մագիստրոսա-

մակերպվել էր հավատարմագրման ավարտական փուլի քննարկում, որին մասնակցում էր նաև ՀԱԱՀ ռեկտոր, գիտության վաստակավոր գործիչ, ՀՀ ԳԱԱ անդամ Ա. Թարվերդյանը: Հաճախողովի նիստը սկսվեց ՀԱԱՀ «Ագրարային մենեջմենթ» մագիստրոսական ծրագրի հավատարմագրման գործընթացի քննարկմամբ:

Ռեկտոր Ա. Թարվերդյանը համառոտ ներկայացրեց համալսարանը, ապա անդրադարձավ համալսարանում իրականացվող միջազգային ծրագրերին՝ հանգամանորեն ներկայացնելով «Ագրարային մենեջմենթ» ծրագիրը: Հանձնաժողովի անդամների հարցերին տրվեցին հստակ և սպառիչ պատասխաններ: Թե՛ համալսարանի գործունեությունը, և թե՛ «Ագրարային մենեջմենթ» մագիստրոսական կրթական ծրագրի կատարման ընթացքը գնահատվեց բարձր: Հատկանշական է, որ հանձնաժողովի կողմից ամենաբարձր վարկանիշային միավորներ ստացել են Հայաստանի ազգային ագրարային համալսարանը և Ուկրաինայի Սումիի համալսարանը: Սեմինարին Երևանից առցանց համակարգով մասնակցում էին նաև ՀԱԱՀ «Ագրարային մենեջմենթ» կրթական ծրագրի համակարգողները: «Ագրարային



կան միջազգային ծրագրի լավագույն գործընկեր համալսարաններ են ճանաչվել ՀԱԱՀ և Ուկրաինայի Սումիի համալսարանը: Անցած 17 տարիների ընթացքում համատեղ մագիստրոսական ծրագիրն ավարտել են շուրջ 150 մագիստրոսներ: Առանց բացառության, բոլորն էլ այսօր աշխատում են՝ հիմնականում հանրապետության և արտերկրի ինչպես պետական, այնպես էլ՝ մասնավոր կազմակերպություններում ու ընկերություններում, նաև Վայհենշտեֆան-Թրիստրֆի և Հայաստանի ազգային ագրարային համալսարաններում: Երկու տարի առաջ սկսվեց Վայհենշտեֆանի կիրառական գիտությունների համալսարանի և համագործակցող համալսարանների՝ այդ թվում նաև Հայաստանի ազգային ագրարային համալսարանի, միջև մագիստրոսական ծրագրի համատեղ հավատարմագրման գործընթացը, որի նախնական բոլոր փուլերն ավարտվել են հաջողությամբ: Վերջերս Գերմանիայի Դաշնության Վայհենշտեֆանի համալսարանում կրթության որակի վերահսկման և հավատարմագրման ինստիտուտի (ACQUIN) փորձագիտական խումբը, որում ընդգրկված են Եվրոպական 9 առաջատար համալսարանների ներկայացուցիչներ, կազ-

մենեջմենթ» միջազգային մագիստրոսական ծրագրի այս ընթացիկ կոնֆերանսը միտված է ամփոփելու մինչ օրս այդ ուղղությամբ կատարված աշխատանքները, ինչպես նաև հող նախապատրաստելու հավատարմագրումն ավարտելուց հետո շրջանավարտ-մագիստրոսներին կրկնակի դիպլոմների շնորհման, այսինքն՝ բացի ՀԱԱՀ «Տնտեսագետ-մագիստրոսի» որակավորման դիպլոմից ստանալ նաև Վայհենշտեֆան-Թրիստրֆի համալսարանի դիպլոմ (այսօր դեռևս ստանում են նշված համալսարանի սերտիֆիկատ): Այս հավատարմագրումը ՀԱԱՀ-ի վերջին տարիների կարևորագույն ձեռքբերումներից է: Այն համալսարանին լայն հնարավորություն է ընձեռում էլ ավելի ընդարձակելու և ամրապնդելու միջազգային համագործակցությունը, ինչպես նաև՝ արմատապես բարելավելու կրթության որակը:

Հավատարմագրման հանձնաժողովի հետ մասնավոր քննարկումներ են անցկացվում համալսարանի մի շարք այլ կրթական ծրագրերի փորձաքննության և հավատարմագրման ուղղությամբ:

ԳՈՐԾԱՐԱՐ ԿԱՆԱՅՔ

... ԵՐԲ
ՄՏԱՀՂԱՑՈՒՄՆԵՐԸ
ԿՅԱՆՔԻ ԵՆ ԿՈՉՎՈՒՄ

«Մեղրատուն» ընկերությունն իր արտադրատեսակներով, հայաստանյան սպառողին հայտնի է միջազգային և տեղական կազմակերպությունների ցուցահանդեսներից, որոնց ընթացքում այցելուներին միաժամանակ հնարավորություն է ընձեռվել համարել արտադրանքը՝ մեղր, մեղրամթերք և ամենակարևորը, որը նորայթ է մեր շուկայում՝ մեղրի մաճառ: Վերջինիս սրացման հեղինակը անհայտ ձեռներեց Կարինե Սուլյանն է:



«Մեղրատուն» իր գործունեությունն իրականացնում է Լոռու մարզում: Ընտանեկան բիզնեսով զբաղվող ընկերությունն իր գործունեությամբ նորայթներ բերեց հայաստանյան շուկա, որով և գրավեց սպառողի ուշադրությունը: Հմուտ մեղվաբույժ Կարինե Սուլյանը, ավանդական մեղվաբույժ քառասունամյա ընտանիքի մատուցել սպառողի քիմիկան հաճելի նոր տեսակների: «Հաշվի առնելով մեղրի սննդարար հատկությունները՝ սկզբնական շրջանում երեխաներիս համար պատրաստում էի մեղրահյութ: Այնուհետև այն ենթարկեցի խմորման, որի արդյունքում ավելի են մեծանում օգտակար հատկությունները: Տեխնոլոգիական մշակման արդյունքում՝ ստացա մեղրի մաճառ: Սկզբում պատրաստեցի մանկական մաճառ, որը չէր պարունակում ալկոհոլ: Սակայն հետո մտադրեցի անառնա մաճառը կազմակերպել մեղրի մաճառի արտադրություն նաև մեծահասակների համար: Պատկերացրեք, ստացվեց, և արդյունքը գոհացուցիչ է: Պատրաստած ըմպելիքը պարունակում է 7% ալկոհոլ», - հիշում է Կարինեն: Ի դեպ, ստացվել է աղանդերային խմիչք, որը հաճույքով օգտագործում են հատկապես կանայք: Տիկին Սուլյանի տեղեկացմամբ, այժմ աշխատանքներ են տարվում մեղրի գինու ստացման ուղղությամբ, որը գործարարի կարծիքով, կիրառելի կլինի շատերի կողմից: Այդ նպատակով նույնպես մշակվում են նոր տեխնոլոգիաներ, արդեն ձեռք են բերել համապատասխան սարքավորումներ: Մեղրի մաճառն իր սպառումն ունի վանաձորյան շուկայում, ինչպես նաև Երևանում կազմակերպվող ցուցահանդեսներում: Կարինեի տեղեկացմամբ, այն բնապահպանորեն մաքուր ըմպելիք է, քանի որ հավելանյութեր չի պարունակում: Շուտով արտադրանքը կստանա «Էկոնոմիկ» հավաստագիր, ինչը հնարավորություն կտա ընդլայնել սպառման աշխարհագրությունը:

Կարինե Սուլյանը «Հայաստանի երիտասարդ կանանց ասոցիացիայի» (ՀԵԿԱ) Կին ձեռներեցների ցանցի անդամ է: Մասնակցել է գործարարության վերաբերյալ կազմակերպված սեմինարներին, ձեռք է բերել մասնագիտական փորձ և հմտություն: Ասոցիացիան աջակցել է նաև տեխնոլոգիական սարքավորումների ձեռք բերման և ցուցահանդեսներին մասնակցելու գործընթացին: Ընթացքում է նաև պատրաստի արտադրանքի շալցման և ապրանքային տեսքի բարելավման աշխատանքների կազմակերպումը: Ընտանեկան բիզնեսը, Կարինեի կարծիքով՝ կայացել է, թերևս կան ծրագրեր, որոնք դեռևս մտադրացման փուլում են: Գործարար կլին այժմ մտորում է արտադրատեսակնու ընդլայնման ուղղությամբ: Հունքը ստանում են սեփական տնտեսությունից, բուծում են 160 մեղվաընտանիքներ:

ԿՈՈՊԵՐԱՑԻԱ

ԱԿՈՒՆՔՑԻՆԵՐԸ ՀԱՎԱՏՈՒՄ ԵՆ ԿՈՈՊԵՐԱՑԻԱՅԻ ՀԱՋՈՂՈՒԹՅԱՆԸ

5

Ներկայացված ծրագիրը տնտեսական արդյունավետություն է խոստանում, որի առաջին քայլերն արդեն արվում են: Գյուղաբնակներն ուզում են բարելավել իրենց տնտեսական վիճակը, ապրել բարեկեցիկ կյանքով: Կոոպերատիվի անդամների սպասելիքներն այս առումով մեծ են: Եվ, որ ամենակարևորն է՝ ակունքիները հավատում են կոոպերատիվի հաջողությանը», - հավելում է Աբրահամ Ավետիսյանը:

Կոոպերատիվի նախագահը նույնպես վարում է ֆերմերային տնտեսություն: Կենդանիների գլխաքանակը վերջին մի քանի տարում 5-6-ից հասել է 20-ի և շարունակում է ընդլայնել տնտեսությունը: Ինչ վերաբերում է արտադրված գյուղմթերքին, ապա այն իրացնում են թե՛ Կոտայքի մարզում և թե՛ Երևանի շուկաներում: Աբրահամ Ավետիսյանի կարծիքով, կոոպերատիվը նման է ընտանիքի, որն առաջնորդվում է

«Մեկը բոլորի համար, բոլորը՝ մեկի» կարգախոսով: Արոտային շրջանը Ակունքում սկսվում է մայիսի 1-ից, այն տևում է մինչև առաջին ձյունը: Կենդանիների համար ամառային արոտավայրերում նաև ծածկերի կառուցման անհրաժեշտություն կա: Ինչ վերաբերում է գյուղատնտեսական տեխնիկային, ապա այն պետք է օգտագործվի նպատակային, որպեսզի արդյունք լինի: Նախատեսել են ստացված եկամուտները տրամադրել տեխնիկայի հավաքակալանի կառուցմանը, ինչպես նաև՝ գյուղտեխնիկայի համալրմանը: Ծրագրել են ձեռք բերել կարտոֆիլ հավաքող և սրկիչ մեքենաներ:

Կոոպերատիվի անդամներով որոշել են լուծել նաև համայնքային խնդիրներ: Առաջիկայում «Ակունք համայնքի արոտօգտագործողների սպառողական կոոպերատիվը» կհամալրվի նոր անդամներով:

ԾՐԱԳԻՐԸ՝ ԽՆԴԻՐՆԵՐԻ ԼՈՒԾՄԱՆ ԳՐԱՎԱԿԱՆ

«ՀՀ գյուղատնտեսության նախարարության «ԳՄԻԳ» ՊՀ-ի կողմից իրականացվող «Համայնքների գյուղատնտեսական ռեսուրսների կառավարման և մրցունակության» ծրագիրը 2015 թ.-ից մուտք գործեց նաև ՀՀ Կոտայքի մարզ: «CARMAC-2» ծրագրում ընդգրկվեցին Սուլակ, Լեռնանիստ (Հրազդանի տարածաշրջան), ինչպես նաև Գեղաշեն և Ակունք (Արուսեանի տարածաշրջան) համայնքները, որոնց բնակչության հիմնական զբաղվածությունն անասնապահությունն է: Կոտայքի մարզային աջակցության թիմի համակարգող Արսյուն Վարդանյանի տեղեկացմամբ, ընթացիկ փուլում ավելացել է ծրագրում ընդգրկված համայնքների քանակը:

Նշված 4 համայնքներում արդեն ձևավորվել են «Արոտօգտագործողների սպառողական կոոպերատիվներ», հստակեցվել են ծրագրերը, ինչպես նաև կատարվել են որոշակի աշխատանքներ: Արսյուն Վարդանյանի տեղեկացմամբ, Գեղաշեն և Լեռնանիստ համայնքներին տրամադրվել են մեկական «MT3-82 Բելառուս» մակնիշի տրակտոր և համապատասխան գյուղ գործիքներ: Մյուս համայնքներում նույնպես համաֆինանսավորումն ապահովելուց հետո, կտրամադրվի համապատասխան տեխնիկա՝ կերի կուտակման և ցանքի աշխատանքները կատարելու համար: Ցանում են հիմնականում հացահատիկային և կերային մշակաբույսեր, որոնք բարձր արդյունք են ապահովում: «Ծրագրում ընդգրկվել են այն համայնքները, որոնք ունեն զարգացած անասնապահություն: Ֆերմերը, պահելով որոշակի քանակությամբ գյուղատնտեսական կենդանիներ, նախ՝ իր ընտանիքի համար ստեղծում է աշխատատեղ: Այդպիսով՝ խոշոր տնտեսությունները զբաղվում են անասնապահական գործարարությամբ: Ծրագրում ընդգրկված համայնքների արոտավայրերի ջրարբիացման համար 2015 թ.-ին կատարվել են նախագծային աշխատանքներ: Այս տարի արդեն նախատեսվում է իրականացնել շինարարական աշխատանքները», - ասում է պրն Վարդանյանը: Նշված 4 գյուղերում գյուղատնտեսական կենդանիների թիվը գերազանցում է 10 հազարը:



մատչելիությունն է», - հավելում է մարզային աջակցության թիմի համակարգողը: Նրա կարծիքով, ծրագիրը լուծում է նաև բնապահպանական խնդիրներ, քանի որ, որպես կանոն, չօգտագործվող արոտավայրերը դեգրադացվում են և դառնում ոչ պիտանի՝ հետագա օգտագործման համար: Կարևորվում է նաև կենդանիների հերթափոխային արածեցումը: Այդ նպատակով կազմվում է արոտավայրերի կառավարման պլան:

«Փորձում ենք այնպես անել, որպեսզի գյուղացին շահագրգռված լինի զարգացնել անասնաբուծությունը: Ծրագրով նախատեսվում է նաև սանիտարահիգիենիկ պայմաններով ապահովված շինության կառուցման դեպքում, կոոպերատիվներին տրամադրել կաթի սառեցման, պանրի արտադրության և այլ սարքավորումներ: Կոոպերացիան գյուղացու համար շահույթ ստանալու, գյուղատնտեսական աշխատանքների կազմակերպված և արդյունավետ իրականացման, գյուղմթերքի արտադրմանը և սպառմանն աջակցող միջոց է: Այդպիսով՝ կոոպերացիան մեկ գաղափարի շուրջ համախմբվածների միություն է», - իր խոսքը եզրափակում է Արսյուն Վարդանյանը:

Կոոպերատիվներն աշխատատեղեր են ստեղծում նաև մեխանիզատորների, արոտավայրերի պահպանման համար՝ վերահսկողների և այլ մասնագետների համար, միաժամանակ լուծելով սոցիալական խնդիր:

